

玉函山房輯佚書

由余書一卷周由余撰由余其先晉人亡入戎能晉  
言戎王使觀秦秦繆公與內史廖謀間要降以客禮  
禮之事具史記秦本紀漢志雜家由余三篇注戎人  
秦穆公聘以爲大夫其書隋唐志皆不著錄攷史記  
載其對秦繆公示以宮室積聚及戎無詩書禮樂法  
度之問韓非子說苑並引以儉說道賈誼新書引其  
待下有禮之說佚篇略存並據輯錄白居易六帖引  
有楚王使由余城麇復命子西問高厚大小云云由  
余與子西不同時爲楚臣亦無所見當別是一人否

則傳聞誤也故編中不取此節其說黃帝作爲禮樂法度身以先之僅以小治而謂後世之亂皆以此類與老子禮爲忠信之薄同意論儉獨推帝堯而以舜禹制食器祭器爲修復似墨氏之教宜班志人其書於雜家哉歷城馬國翰竹吾甫

由余書

周 由余 撰

戎王使由余觀察秦秦繆公示以宮室積聚由余曰使  
鬼爲之則勞神矣使人爲之亦苦民矣繆公怪之問  
曰中國以詩書禮樂法度爲政然尙時亂今戎夷無  
此何以爲治不亦難乎由余笑曰此乃中國所以亂  
也夫自土聖黃帝作爲禮樂法度身以先之僅以小  
治及其後世日以驕淫阻法度之威以責督於下  
罷極則以仁義怨望於上下交爭怨而相篡弑至

由余書

一 姪 德 補 校

於滅宗皆以此類也夫戎夷不然上含淳德以遇其

下下懷忠信以事其上一國之政猶一身之治不知

所以治此真聖人之治也史記秦本紀

秦穆公閑問由余曰韓非子作戎王使由余聘於秦秦穆公問之曰說苑引如此

寡人嘗聞道而未得見之也願聞古之明主說苑引無寡人

至願聞十三字古之得國失國何以說苑作當何以也由余

對說苑無對曰臣嘗得聞之矣說苑作嘗以儉

得之以奢失之穆公曰寡人不辱而問道於子子以

儉對何也說苑作穆公曰願聞奢儉之節由余對曰臣聞昔者說苑無昔

堯有天下飯於土簋飲於土劔說苑作噉其地

南至交趾北至幽都東西至日所出入者說苑無首字莫

不賓服堯禪說苑作釋天下虛說苑無虞字舜受之作為食器

斬山木而財之說苑無山字財作技削鋸修之迹流漆墨其上

輸之於宮以為食器說苑作銷劍鐵修其刃猶漆墨之以為器諸侯以為

益侈國之不服者十三說苑作十有三舜禪天不而傳之於

禹說苑作舜釋天下而禹受之禹作祭器說苑作祭器墨染其外面

朱畫其裏說苑作漆其外纒帛為茵蔣為席額緣觴

前有采而樽俎有飾此彌侈矣說苑作指帛為茵其勺有彩為觴彌侈

而園之不服者三十三

說苑作三十有三

夏后氏沒殷人受

之說苑沒上有

以字人作厠作爲大路而建九旒食器雕琢餽酌

說苑刻鏤四壁墜墀

說苑作四帷

茵席雕文此彌侈矣而

園之不服者五十三

說苑作五十有三

君子皆知文章矣而

欲服者彌少

說苑作君好文

臣說苑無

故曰儉其道

也

韓非子十過篇

山余曰乾肉不腐則左右親苞苴時有筐篚時至則

羣臣附官無蕭蕪臃陳時發則戴其上

賈誼新書疏

博物記一卷漢唐蒙撰漢書無蒙傳西南夷傳載建  
子之等大行王恢擊東粵東粵殺王郢以報恢因兵  
威使番陽令唐蒙風曉南粵云云又謂蒙上書說上  
通夜郎拜蒙以中郎將又司馬相如傳云相如爲郎  
數歲會唐蒙使昭通夜郎犍中發巴蜀吏卒千人郡  
又多爲發轉漕萬餘人用軍與法誅其渠率巴蜀民  
大驚恐上聞之乃遣相如責唐蒙等因諭巴蜀民以  
非上意然則蒙在孝武之世勸主開邊數與戎馬其  
人蓋戡師之流也所著博物記隋唐志皆不著錄佚



已久惟後漢書補志劉昭注引凡五十餘節劉生梁  
代其時蒙記尚在故及引之書主考據於地理加詳  
如謂淇與爲二水邛防爲二地可補毛詩注疏之缺  
張茂先著博物志以地志爲首其取瀛於斯乎歷城  
馬國翰竹吾甫

博物記

漢唐蒙撰

容成氏造歷黃帝臣也

後漢書律歷志劉昭注

隸首黃帝之臣

劉洪篤信好學觀乎六藝羣書意以爲天文教術探  
隕索隱鉤深致遠遂專心銳想爲曲城侯相政教清  
平夷民畏而愛之爲州郡之所禮異

並同上

江河冰赤占曰泣血道路涉蘇於河以處

後漢書五行志注

王城方百里七十二丈郡方一十里南望雒城北至

陝山

後漢書郡國志注

梁伯好土功今梁多城

灑水出潛序山

大輿水流入淇水有綠竹草

河東郡有山澤近鹽沃土之民不才漢興少有名人  
大衣冠三世皆衰絕也

臨汾有賈鄉賈伯邑

汾陰古之綸少康邑

虞城傅巖在縣北

顛幹在縣鹽池東吳城之北今之吳坂

解有智邑

白城曰季邑縣西北卑耳山縣西南齊桓公西伐所  
登

耿鄉有耿城

聞喜縣涑之川

永安故莒有呂鄉呂甥邑也

王垣縣王屋在東狀如垣

郃亭縣東九十里有郃郃之阨賈季迎公子樂于陳

寺陶也

二 姬姬館補校

趙孟毅請解

桂林在湖縣休與之山

陝陌二伯所分

西漢水出新安入雒

龍門山有韓原韓武子采邑

安陵亭故安陵君也

鄭諸侯會于郟亭

郟地在縣北防亭在焉詩曰郟有旨苕防有鵲巢

唐關在中人城西北百中人縣在縣西四十里

左人唐西北四十里

封邱有狄溝卽敗狄于長邱是也

平陸有關亭左傳桓十一年會于關卽此亭也

湖陸荷水出

乘氏古乘邱

劉有勇王亭卽勇士萬邱欣

胸縣東北海邊植石秦所立之東門

祝其東北獨居山西南有淵水卽羽泉也俗謂此山

謂慈父山

博協記

西海太公呂望所出今有東呂鄉又釣於棘津其浦尚存

臨沂縣東界次睢有大叢社民謂之食人社卽次睢之社

姑幕淮水入城東南五里有公冶長墓

廣陵女子社姜左道通神縣以爲妖閉獄桎梏卒變形莫知所極以狀上因以其處爲廟號東陵聖母

太倉縣多麩十千爲羣掘食草根其處成泥名曰麩咬民人隨此咬種稻不耕而穫其收百倍又扶海洲

上有草名藟其實食之如大麥從七月稔熟民斂穫  
至冬乃訖名曰自然穀或曰禹餘糧

臨菑縣西有袁婁

宛有申亭

雒水水平氏有陽山出紫草

安衆有土魯山出紫石英

筑陽今穀亭

沔陽縣北有丙穴

臨邛有火井深二三丈在縣南百里以竹木投取火

專勿也

四風類編補校



後以火燭投井中火即滅絕不復然

日南出野女羣行不見夫其狀晶且白裸袒無衣襦

並同上

中興以來都官從事多出之河南培擊貴戚後漢書百官志

注

交州南有蟲長減一寸形似白英不知其名視之無

色在陰地多細色則赤黃之色也後漢書輿服志注

南安縣西百里有牙門山後漢書郡國志注

延壽縣南有山石出泉水大如管簾注池爲溝其水

有肥如膏肉泊漾漾永永如不凝膏然之極明不可  
食縣人謂之石漆同上

傳物記

五姬嬖館補校

伏侯古今注一卷後漢伏無忌撰無忌琅琊東武人  
漢五世孫傳其家學官至侍中屯騎校尉後漢書本  
傳云永和元年詔無忌與議郎黃景校定中書五經  
諸子百家藝術元嘉中桓帝詔無忌黃景崔寔等共  
撰漢紀又自采集古今剛著事要號曰伏侯古今注  
章懷太子注云其書上自黃帝下盡漢質帝爲八卷  
隋志八卷著錄雜史類唐志入雜家與崔豹古今注  
相次云三卷今佚從後漢書注及北堂書鈔藝文類  
聚初學記開元占經白孔六帖太平御覽等書採輯

伏侯古今注

一 姒媛館補校

成卷多言符瑞災異而於漢諸帝名諱山陵爲詳崔氏古今注蓋仿於此隋志崔書入雜家此書入雜史不若唐志之九蒐補殘缺可與崔書競美云歷城馬國翰竹吾甫

伏侯古今注

後漢 伏無忌 撰

世祖光武皇帝諱秀

八字據本紀補後並同

秀之字曰茂伯仲

叔季兄弟之次長兄伯升次仲叔故字文叔焉

後漢書光

武帝紀章懷太子注

顯宗孝明帝諱莊莊之字曰嚴

後漢書明帝紀注

肅宗孝章帝諱烜烜之字曰著

後漢書章帝紀注

孝和皇帝諱肇肇之字曰始肇

音光後漢書和帝紀注

孝殤皇帝諱隆隆之字曰盛

後漢書殤帝紀注

伏侯古今注

一 鄭媛館補校

恭宗孝安皇帝諱祐祐之字曰福後漢書安帝紀注

孝順皇帝諱保保之字曰守後漢書順帝紀注

孝沖皇帝諱炳炳之字曰明後漢書沖帝紀注

孝質皇帝諱續續之字曰繼後漢書質帝紀注

孝桓皇帝諱志志之字曰意後漢書桓帝紀注

孝靈皇帝諱宏宏之字曰人後漢書靈帝紀注

光武原陵山方三百二十三步高六丈六尺垣四出

司馬門寢殿鍾虞皆在周垣內隄封田十二頃五十

七畝八十五步後漢書禮儀志下劉昭注

明帝顯節陵山方三百步高八丈無周垣爲行馬四  
出司馬門石殿鍾虞在行馬內寢殿園省在東園寺  
吏舍在殿北隄封田七十四頃五畝

章帝敬陵山方三百步高六丈三尺無周垣爲行馬  
四出司馬門石殿鍾虞在行馬內寢殿園省在東園  
寺舍在殿北隄封田二十五頃五十五畝

和帝慎陵山方三百八十步高十丈無周垣爲行馬  
四出司馬門石殿鍾虞在行馬內寢殿園省在東園  
寺吏舍在殿北隄封田三十一頃二十畝二百步

殤帝康陵山周二百八步高五丈五尺行馬四出司馬門寢殿鍾虞在行馬中因寢殿爲廟圜吏寺舍在殿北隄封田十三頃十九畝二百五十步

安帝恭陵山周二百六十步高十五丈無周垣爲行馬四出司馬門石殿鍾虞在司馬內寢殿圜吏舍在殿北隄封田一十四頃五十六畝

順帝憲陵山方三百步高八丈四尺無周垣爲行馬四出司馬門石殿鍾虞在司馬門內寢殿圜省寺吏舍在殿東隄封田十八頃十九畝三十步



冲帝懷陵山方百八十三步高四丈六尺爲寢殿行馬園出園寺吏舍在殿東隄封田五頃八十畝

質帝靜陵山方百三十六步高五丈五尺爲行馬園出門寢鍾虞在行馬中園寺吏舍在殿北隄封田十二頃五十四畝因寢爲廟

並同上

永平元年六月乙卯初令百官貍腹白幕皆霜

後漢書祭

禮志劉昭注

故孝武廟於雒陽校官立之

建武十八年七月使中郎將耿遵治皇祖舊廬稻田

伏侯古今注

三婦嬪館補校

七十三卷四十一

建武二十一年二月乙酉徙立社稷上東門內

元和三年初爲郡國立稷及祠社靈星禮器

並同上

建武六年九月丙戌月犯太微西藩十一月辛亥月

犯軒轅七月庚子土入鬼中漢史鎮星逆行與鬼女

主貴親有憂巫咸曰有土功事是歲太白經太微八

年四月辛未月犯房第二星光芒不見九年四月乙

卯金犯婁南星甲子月犯軒轅第二星壬寅犯心火

星七月戊辰月並犯昴黃帝星占土犯鬼皇后有憂

失亡其勢河圖月犯房天子有憂四足之蟲多死漢

史曰其國有憂將軍死又案嚴光傳光與帝臥足加  
帝腹上太史奏客星犯帝坐甚急十年正月壬戌月  
犯心後星閏月庚辰火入輿鬼過軫北庚申月在斗  
赤如丹十二年正月丁丑月乘軒轅大星二月辛亥  
月入氐暈珥角亢房其年七月丁丑月犯昴頭兩  
星八月辛酉水見東方翼分九月甲午火犯輿鬼十  
月丁卯大星流有光發東井西聲隆隆十三年二月  
乙卯火犯輿鬼西北黃帝占曰熒惑守輿鬼大人憂  
一曰貴人當之巫咸曰水見翼多火災石氏曰爲旱

郝萌占曰流星出東井所之國大水十六年四月土  
 星逆行十七年乙未火逆行從東門入太微到執法  
 星東巳西南出端門十八年十二月壬戌月犯木星  
 十九年閏月戊申火逆從氏到亢二十一年七月辛  
 酉月入畢二十三年三月癸未月食火星郝萌曰熒  
 惑逆行氏爲失火三十一年七月戊申月犯心後星

後漢書天  
 文志上注

中元元年三月甲寅月犯心後星同上

孝明永平元年閏九月辛未火在太微左執法星所

光芒相及十一月辛未土逆行乘東井北軒轅第二  
星二年十二月戊辰月食火星黃帝星經曰出入井  
爲人主一曰陽爵祿事七年三月庚戌客星光氣二  
尺所在太微左執法南端門外凡見七十五日八年  
十二月戊子客星出東方九年正月戊申客星出牽  
牛長八尺厓斗建箕房過角亢至翼芒東指十年七  
月甲寅月犯歲星十一年六月壬辰火犯土星十三  
年十一月峇星出軒轅四十八日十二月戊午月犯

本星

後漢書天  
志中泥

孝章建初元年二月甲申金入斗魁五年二月戊辰  
木火俱在參三月戊寅木水在東井六年七月丁酉  
夜有流星起軒轅大如拳歷文昌餘氣正白句曲西  
如文昌久久乃滅黃帝星經曰木守東井有土功之  
事一曰大水郝萌曰歲星守參后當之熒惑守大人  
當之上同

孝和永元元年正月辛卯有流星大如拳起參東南  
癸卯鎮在參又流星大如桃色赤起太微東蕃石氏  
曰鎮守參有土功事二月戊子土在參丙辰星如桃

起天津東至斗黃白頻有光壬戌有流星起天將甲  
東北行色黃無光十一月壬申鎮星在東井石氏曰  
天下水其大出流殺人二年正月丙寅水在奎土在  
東井金在婁木火在昴三月甲子火在亢南端門第  
一星南乙亥金在東井四月丁丑火在氏東南星東  
南五年正月甲戌月乘歲星六年六月丁亥金在東  
井閏月己丑流星大如桃起參北西至參肩南稍有  
光八年九月辛丑夜有流星大如拳起婁十一年六  
月庚辰月入畢中十三年正月辛未水乘輿鬼十二  
伏侯古今注

月癸巳犯軒轅大星十四年正月乙卯月犯軒轅在  
太微中二月十日丁酉水入太微西門十一月丁丑  
有流星大如拳起北斗魁中北至關道稍有光色赤  
黃須臾西北有雷聲同上

孝殤帝延平元年七月甲申月在南斗中

孝安永初二年四月乙亥月入南斗魁中八月己亥  
熒惑出入太微端門三月壬寅熒惑入輿鬼中五月  
丙寅太白入畢中石氏經曰太白守畢國多淫刑也  
四年二月丙寅月犯軒轅大星



延光元年四月丙午太白晝見四年四月甲辰太白  
入真鬼中

孝順永建元年二月甲午客星入太微五月甲子月  
入斗二年二月丁巳月犯心七月丁酉犯昴其年九  
月戊寅有白氣廣二尺長十餘丈從北落師門南至  
斗三年二月癸未月犯心後星六月甲子太白晝見  
四年二月癸丑月犯心後星五年閏月庚子太白晝  
見六年彗星出於斗牽牛滅於虛危虛危爲齊牽牛  
吳越故海賊浮於會稽山賊捷於濟南五年夏熒惑

守氏諸侯有斬者是冬班始腰斬馬市

陽嘉二年四月壬寅太白晝見五月癸巳又晝見十一月辛未又晝見十二月壬寅月犯太白三年十二月辛未太白晝見四月乙卯太白熒惑入輿鬼

永和元年五月丁卯太白牽牛大星二年九月壬午月入畢口中三年六月己酉熒惑入太微十二月丁卯月犯軒轅大星六年五月庚寅太白晝見十一月甲午太白晝見

漢安元年二月壬午歲星在太微中八月癸丑月犯

南斗火魁中二年五月丙辰月入斗中

建康元年九月己亥太白晝見韓楊占曰天下有喪  
一曰有白衣之會

孝質本初元年三月丁丑月入南斗

並同上

光武建武六年九月大雨連月苗稼更生鼠巢樹上  
十七年雒陽暴雨壞民廬舍壓殺人傷害禾稼

後漢書五

行志一注 白孔六帖  
卷六引光武至樹上

章帝建初五年東海魯國東平山陽濟陰陳留民訛

言相驚有賊捕至京師民皆入城也

後漢書五  
行志一注

伏侯古今注

八 娜嬛館補校

建武三年七月雒陽大旱帝至南郊求雨卽日雨建  
武六年六月九年春十二年五月二十一年六月明  
帝永平元年五月八年冬十一年八月十五年八月  
十八年三月並旱建初二年夏雒陽旱四年夏元和  
元年春並旱永元二年郡國十四旱十五年丹陽郡  
國二十二並旱或傷稼安帝永初元年郡國八旱分  
遣議郎請雨永初三年郡國八旱四年五年夏並旱  
建光元年郡國四旱延光元年郡國五並旱傷稼本  
初元年二月京師旱

同上

建武六年十二月雒陽市火二十四年正月戊子雷  
雨霹靂火燒高廟北門明帝永平元年六月己亥桂  
陽見火飛來燒城寺章帝建初元年十二月北宮火  
燒壽安宮殿延及右掖門元和三年六月丙午雷雨  
火燒北宮朱爵西闕永初元年十二月河南郡縣火  
燒殺百五人二年河南郡又失火燒五百八十四人  
順帝永建三年河南郡國守宮失火燒宮藏所物盡  
四年河南郡縣失火燒人六畜陽嘉元年十二月河  
南郡國火燒廬舍殺人也永和六年十二月雒陽酒

伏候古今注

九 嫦娥館補校

市失火燒肆殺人漢安元年三月甲午雒陽火或從  
室屋間物中不知所起數日乃止十二月雒陽失火

後漢書五行志二注

和帝永元七年三月江夏縣民舍柱生兩枝其一長  
尺五寸分爲八枝其一長尺六寸分爲五枝皆青也

建武九年六郡八縣鼠食稼

並同上

光武建武四年東郡以北傷水七年六月戊辰雒水  
盛溢至津城門帝自行水宏農都尉泊折爲水所漂  
殺民溺傷稼壞廬舍二十四年六月丙申沛國睢水

逆流一日一夜止章帝建初八年六月癸巳東橋城

下池水變赤如血

後漢書五行志三注

安帝延平六年河東水

化爲血元初元年潁川襄城流水化爲血不流

同上太

平御覽卷五十九引多安帝二句流水化爲血下多不流二字

光武建武十年十月戊辰樂浪上谷雨雹傷稼十二

年河南平陽雨雹大如杯壞敗吏民廬舍十五年十

二月乙卯鉅鹿雨雹傷稼永平三年八月郡國十二

雨雹傷稼十年郡國十八或雨雹蝗安帝元初四年

樂安雹如杆殺人順帝永建三年郡國十二雨雹傷

大矣古今注

十 郡國補校

秋稼

後漢書五行志三注

光武建武十年遼東冬雷草木實章帝建初四年五月戊寅潁陰石從天墜大如鐵鑽色黑始下時聲如雷明帝七年十月丙子越嶲雷順帝永和四年四月戊午雷震擊高祖世祖廟外槐樹

建武二十二年三月京師郡國十九蝗二十三年京師郡國十八大蝗旱草木盡二十八年三月郡國入十蝗二十九年四月武威酒泉清河京兆魏郡宏農蝗三十年六月郡國十二大蝗三十一年郡國大蝗



中元元年三月郡國十六大蝗永平四年十二月酒  
泉大蝗從塞外入永初六年三月郡國四十八蝗並同  
上

光武建武十三年揚徐部大疾疫會稽江左甚二十

六年郡國七大疫

後漢書五行志五注

建武元年正月庚午朔日有蝕之卽更始三年四年  
五月乙卯晦日有蝕之九年七月丁酉十一年六月  
癸丑十二月辛亥並日有蝕之二十六年二月戊子  
日有蝕之盡中元四年八月丙寅時加未日有蝕之

伏候古今注

十二如髮飾袖校

七十三卷四十九

五年二月乙未朔日有蝕之京師候者不覺河南尹

郡國三十一上六年六月庚寅晦日有蝕之時雒陽

候者不見十三年閏八月甲辰晦日有蝕之

案後漢書作十

三年十月注引古元和元年九月己未日有蝕之永

初三年三月日有蝕之元初六年十二月戊午朔日

有蝕之星盡見

後漢書五行志六注

光武建武七年四月丙寅時日加卯西面東面有抱

須臾成暈中有兩鉤在南北有白虹貫暈在西北南

面有背在景加已背解也章帝建初元年正月壬申

白虹貫日五年七月甲寅夜白虹出乙丑地西北曲  
入七年四月丙寅日加卯西面有抱須與成暈有白  
虹貫日殤帝延平元年六月丁未日暈上有半暈暈  
中外有僞背兩珥十二月丙寅日暈在重中有背僞  
順帝永建二年正月戊午一虹貫日三年正月丁酉  
日有白虹交暈中六年正月丁卯日暈兩珥白虹貫  
珥中永和六年正月己卯暈兩珥中赤外背白虹貫  
暈中

建武八年三月庚子夜月暈五重入紫微青黃似虹

有黑氣如雲月星不見丙夜乃解中元元年十一月

甲辰日中星齒往往入

並同上

成帝建始三年七月夜有黃白氣長十餘丈明照地

或曰天裂或曰天劍

太平御覽卷二

成帝建始四年無雲而風天雷如擊鼓音可四五刻

隆隆如車聲

太平御覽卷十三

元帝竟寧元年大霧樹皆白

太平御覽卷十五

元和二年甘露降河南

後漢書班固傳章懷太子注

光武建武二十年甘露下日南朱梧積四十五日

陶藝 又類聚

卷九十八

武帝征和四年大雪松柏皆折

虞世南北堂書鈔卷一百五十二

永平十年作常山呼陀河蒲吾渠通漕船也

後漢書郡國志

注

春陵建武十八年使中郎將耿弇築城

枯樅山赤眉立盆子於鄭北在此山下

永平十年置益州西部都尉治嵩唐鎮尉哀牢人樸

榆蠻夷

代郡建武二十七年七月屬幽州

並同上

伏侯古今

十三 鄭媛館補校

宣帝地節元年上郡沙中夜風有火如粟

太平御覽卷七十四

元和二年芝生沛如人冠大坐狀

後漢書注有大坐狀三字

建初

五年芝生潁川常以六月中生一葉五歲五重春夏

紫秋白冬黑十月後黃氣出土五寸

藝文類聚卷八十九後漢書

班固傳注

引上四句

孝哀帝元嘉元年芝生後庭木蘭樹上

藝文類聚卷八十九

武帝建元四年天雨粟宣帝地節三年長安雨黑粟

竟寧元年南陽山都縣雨粟色青味苦大者如小豆

小者如噉子

藝文類聚卷八十五

宣帝元康四年雨黑黍粟和帝元興元年黑黍稷一

禾二實或三四實生任城得粟三斗八升以薦宗廟

同上 徐堅初學記卷二十七引和帝元興元年黑黍米二實生任城餘司

和帝元年嘉禾生濟陰城陽一莖九穗安帝延光二

年嘉禾生九真一百五六十本七百六十八穗藝文類聚

卷八十五

宣帝元康四年南陽雨豆同上

孝平帝元年武陵縣生瓜花如蔥花紫色實如小麥

墮地復生初學記卷二十八

犬彘古今生

昭帝丹鳳三年馮翊人獻桐枝長六尺九枝枝一葉

也

同上 藝文類聚卷八十八引作馮翊獻桐長六尺九枝三葉也

秦二世時丞相趙高用事乃先獻蒲脯

北堂書鈔卷一百四十五

元帝永平四年東萊郡東半山有野蠶爲繭繭生蛾

蛾生卵卵著石收得萬餘石民以爲蠶絮

藝文類聚卷六十五

漢惠帝五年七月黃鶴集蕭池

藝文類聚卷九十一 太平御覽卷九百

十六 白孔六 軒卷九十五

所謂赤鳥者朱鳥也

御覽無所謂二字

其所居高遠日中三

足鳥之精降而生三足鳥何以三足陽數奇也是以



有虞至孝三足集其庭曾參鋤瓜三足集其冠

藝文類聚

卷九十二

太平御覽卷九百二十

葛洪抱朴

子引赤烏者三句 初學記卷二十六引曾參二句

成帝河平四年白鳥集孝文廟殿下黑鳥從之日中

無光者日中鳥也日中鳥若去卽天下烏去也

白孔六帖

卷九十四章帝元和二年三足鳥集沛國代郡高柳烏子

生三足大如雞色赤頭上有角長寸餘和帝元興元

年白鳥一見廬江足皆赤

藝文類聚卷九十九 太平御覽卷九百二十引無

章帝至長寸餘

孝哀帝初元三年泰畤殿中有雀五色頭有冠長寸

餘大似雀始到時鳥環其旁

藝文類聚卷九十九

平帝元始三年濟南鳩生白子

藝文類聚卷九十九引古今注 太平御

覽卷九百二十作崔豹古今注今崔書無此節

元和二年北海得一角獸大如麋有角在耳間端有

肉元和二年麒麟見陳一角端如蔥葉色赤黃

後漢書班

固傳注

元和三年白虎見彭城

同上

明帝永平九年

藝文類聚作永平中

三角鹿出江陵兩角間有

道家七星符其祖名字鄉里年月在焉遂斷射獵孔白

六帖卷九十七

藝文類聚卷九十五初學記

卷二十九太平御覽卷九百六並引上二句

孝和帝永元十二年

藝文類聚作永元中

豫章餘于得白鹿高

丈六寸

藝文類聚卷九十五太平御覽卷九百六

章帝元和二年白狐九尾見信都

藝文類聚卷九十九

哀帝

白孔六帖有哀帝二子

建平元年山陽得白兔其目赤如

朱

藝文類聚卷九十九二十九白孔六帖卷九十七

初學記卷

光武建武元年山陽有小蟲類人形甚衆明日皆懸

樹枝而死乃大蟻也

太平御覽卷九百四十七

伏侯古今注

高祖五年黃龍見華陽池十餘日九年又見長安五

鳳四年黃龍出廣漢甘露元年黃龍見新豐二年龍

見上郡騰躍五色升天丞相以下上壽章帝建初三

年黃龍見汝南項氏田廬中長五丈餘高二丈光耀

廬舍及樹皆黃藝文類聚卷九十八建初五年有八黃龍見于

零陵後漢書班固傳注哀帝永元十年黃龍見潁川定陵民

家井中色黃目如鏡又見巴郡岩渠草木色皆黃藝文類聚

類聚卷九十八

章章建初七年玉珪出宏農華陰藝文類聚卷八十三

章帝元和元年明珠出館陶大如李有光耀三年明珠出豫章海底大如雞子圍四寸八分和帝永元五年鬱林降人得大珠圍五寸七分

初學記卷二十七

太平御覽卷七百六十

蔣子萬機論一卷魏蔣濟撰濟有郊立議已著錄此書作於文帝踐祚之初取尚書一日二日萬機之義也魏志本傳云濟上萬機論帝善之隋志八卷唐志十卷並列雜家今佚輯錄得一十六節書中講肄禮服評騭人物兼言兵陣之事魏畧載桓範嘗撮抄漢書中諸雜事自以意斟酌之名世要論以示濟濟不肯視今觀遺篇其亦世要之儔乎歷城馬國翰竹吾

甫

蔣子萬機論

魏 蔣濟 撰

許子將衰貶不平以拔樊子昭而抑許文休劉曄曰  
子昭發自賈豎年至耳順退能守靜進能不苟濟答  
曰子昭誠自長幼完潔然觀其垂齒牙樹頰腋吐唇  
吻自非文休敵也

蜀志龐統傳裴松之注 太平御覽卷三百六十七引脫齒腋吐唇

吻五字  
垂非搢

許文休者大較廊廟器也而子將貶之若實不貴之  
是不明也誠令知之蓋善人也

蜀志許糜孫簡  
伊秦傳評注

蔣子萬機論

一 鄧瑛館補校

夫土地者百姓之所蹈也殊無兩形之政矣而談者

強謂之異體也

虞世南北堂書鈔卷一百五十七

魚麗鵝鵠之陣進退有節

北堂書鈔卷一百十七引下云案古有破陣樂舞圖

左圖右方先備後整魚麗鵝鵠箕張翼舒交錯屈伸首尾迴顧以象戰陣之形

莊周婦死而歌曰

御覽曰作夫

通性命者以卑及尊死生

不掉周不可論也夫象見子皮無遠近必泣周何忍

哉

徐堅初學記卷二十九太平御覽卷八百九十

禮記嫂叔無服誤據小功章姁姁婦此三字嫂服之文也古者有省文互體言弟及兄並婦矣婦姁者兄



弟之妻相名也蓋云夫之昆弟昆弟之妻相與皆小  
功者尙書何晏太常夏侯泰初難曰夫嫂叔宜服誠  
自有形然小功章婦媼婦爲嫂叔文則恐未是也禮  
之正名母婦異義今取弟於媼婦之句以爲夫之昆  
弟雖省文互體恐未有及此者也凡男女之相服也  
非有骨肉之親則有尊卑之敬受重之報今嫂叔同  
班並列無父子之降則非所謂尊卑也他族之女則  
非所謂骨肉也是以古人謂之無名者豈謂其無嫂  
叔之字或無所與爲體也夫有名者皆禮與至尊爲

體而交與正名同接也有其體有其交故以其名名之故服之可也苟無斯義其服焉依夫嫂叔之交有男女之別故絕其親授禁其通問家人之中男女宜別未有若嫂叔之主者也彼無尊卑之至敬故交接不可不疎彼無骨肉之不殊故交疎而無服情亦微矣答日記云小功無位是委巷之禮也子思哭嫂有位蓋謂知禮制禮者小功當有位也然則嫂叔服文統見於經而明之可謂微而著婉而成章也

杜佑通典卷九

許文休東渡江乃在障氣之南

文選劉孝標廣絕交論李善注

黃帝之初養性愛民不好戰伐而四帝各以方色稱

號交其謀之邊城日警介冑不釋黃帝歎曰夫君危

于上民不

不字據路史補

安于下主失于國其臣再嫁厥疴

之由非養寇耶今處民萌之土而四盜亢衡遽震於

師於是遂創營壘以滅四帝向令黃帝若不龍驤虎

變而與俗同道則其民臣亦嫁于四帝矣

太平御覽七十九

北堂書鈔卷十三引黃帝威四盜一句。冠涉路

史後紀卷五引作帝焦然歎曰朕之過江矣召危

于上者民不安于下主失其國者其臣再嫁逃震

于師下有何以哉乃正四軍七字滅四帝下有而

蔣子萬機論

三如姬會補校  
七十三卷五十九

有天下四  
字餘同

項羽若聽范增之策則平步取天下也

太平御覽  
九十七

知兵之將國之衡主民之司命古者重之後世無逮  
焉呂望雖知孫武雖曉樂毅雖賢自起雖武夫齊之  
朽骨吳之糜骸燕之消骼秦之腐肉豈可備其糟粕  
復得生而使之哉固當出我民之最擇其知勇之長

者用其術略也

太平御覽二  
百七十三

雖有百萬之師臨時吞敵在將也

同上

士有一殲而倒戟義所驅也

太平御覽三  
百五十三

語曰兩目不相爲視昔吳有二人其評王者一人曰  
好一人曰醜久之不決二人各曰爾可來入吾目中  
則好醜分矣王有定形二人察之有得失非苟相反

眼睛異耳

太平御覽三百  
六十六引蔣子

聖不獨立智不獨治神武之主亦須佐輔

太平御覽  
四百一

太史遷曰顏回雖篤行不遇仲尼不能彰其名也故  
五尺之童德擬大舜使在他門未或及此也夫甘羅  
少回六歲獲河東五城萬乘郊迎而佩印雖所宏非  
道義然當秦之時染詐變之風也使羅在孔門治某

之訓亦可聞一知十乎曰未必也昔齊欲伐魯回求  
說陳常而孔子不許遂使子貢子貢一出破齊強晉  
亡吳霸越存魯也夫顏子與賜程智比才相校於八  
至於此事而某不使也

太平御覽四  
百四十七

猛虎不處卑勢鷲鳥不立垂枝也

太平御覽八百九  
十一○又四百九

十引宋句作勁  
鷹不立垂枝

夫虎之爲獸水牛之爲畜殆其兵矣夫虎爪牙既鋒  
膽力無伍至於卽豕也卑俯而下之必有扼喉之獲  
夫水牛不便速角又喬竦然處郊之野朋遊屯行部

除相伍及其寢宿因陣反禦若兕兕虎抵角牛希兕  
害矣若用兵恃疆必墜於虎居弱必誠水牛可謂攻  
取屠城而守必能全者也

太平御覽二  
百七十一

篤論一卷魏杜恕撰恕有體論已著錄是編隋唐志  
並列雜家云四卷今佚馬總意林引凡五節其第三  
節見魏志本傳諫用廉昭疏其第二節言考課亦與  
本傳論考課一疏似爲同時語因者傳稱恕奏議論  
駁皆可觀隋志無恕集知所爲奏議論駁統在篤論  
傳又稱其議論亢直此篤論之所錄名也茲據補錄  
並以他疏附著俾全篇可讀至意林末載二節乃後  
人敘述之詞別爲附錄不使與正文相混又採得御  
覽數節其與宋瑾書詳具裴松之三國志注所引杜



氏新書並據校定合錄一卷夫當時慷慨激言盡情無隱卒以口舌招禍幾於不免亢而有悔似未合危行言孫之義然而凜凜生氣鬱勃千秋讀其文雖選悞者亦思自立則其學從可識矣舊以著論非一列雜家類今取次體論之後改入儒家從其大段以要之也歷城馬國翰竹吾甫

篤論

魏 杜恕 撰

水性勝火分之以釜甑則火強而水弱人性勝志分

之以利欲則志強而性弱

馬總意  
林卷五

攻實性行莫過于鄉閭校才選能莫善于對策

同上

用不盡其人雖才且無益所存非所務所務非世要  
上疏曰書稱明試以功三考黜陟誠帝王之盛制使  
有能者當其官有功者受其祿譬猶烏獲之舉千鈞  
良樂之選驥足也雖歷六代而考績之法不著闕七

聖而課試之文不垂臣誠以爲其法可粗依其詳難備舉故也語曰世有亂人而無亂法若使法可專任則唐虞可不須稷契之佐殷周無費伊呂之輔矣今奏考功者陳周漢之法爲綴京房之本旨可謂明考課之要矣於以崇揖讓之風興濟濟之治臣以爲未盡善也其欲使州郡考士必由四科皆有專効然後察舉試辟公府爲親民長吏轉以功次補郡守者或就增秩賜爵此最考課之急務也臣以爲便當顯其身用其言使具爲課州郡之法法具施行立必信之

賞施必行之罰至於公卿又內職大臣亦當俱以其職考課之也古之三公坐而論道內職大臣納言補闕無善不紀無過不舉且天下至大萬機至衆誠非一明所能徧照故君爲元首臣爲股肱明其一體相須而成也是以古人稱廊廟之材非一木之枝帝王之業非一士之略由是言之焉有大臣守職辨課可致雍熙者哉且布衣之交猶有務信誓而蹈水火感知已而披肝膽徇聲名而立節義者況於束帶立朝致位卿相所務者非特匹夫之信所感者非徒知

已之惠所徇者豈聲名而已乎諸蒙寵祿受重任者不徒欲舉明主於唐虞之上而已身亦欲阿獲契之列是以古人不患於念治之心不盡患於自任之意不足此誠人主使之然也唐虞之君委任獲契藥龍而責成功及其罪也殛鯀而放四凶今大臣親奉明詔給事日下其有夙夜在公恪勤特立當官不撓貴勢執平不同所私危言危行以處朝廷者自明主所察也若尸祿以爲高拱嘿以爲智當官苟在於免負立朝不忘於容身絜行遜言以處朝廷者亦明主所

察也誠使容身係位無放退之辜而盡節在公抱見  
疑之勢公義不修而私議成俗雖仲尼爲謀猶不能  
盡一才又況於世俗之人乎今之學者師商韓而上  
法術競以儒家爲迂濶不周世用此最風俗之流弊  
創業者之所致慎也

魏志杜恕傳云時又大議考課之制以考內外恕以爲用不盡

其人上疏云云案此與意林所載攷實四語以下節例之是一篇中語取以類次補錄

又上疏曰伏見尙書郎廉昭奏左丞曹璠以罰當關  
不依詔坐判問又云諸當坐者別奏尙書令陳矯自  
奏不敢辭罰亦不敢以處重爲恭意至懇惻臣竊愍

然爲朝廷惜之夫聖人不擇世而與不易民而治然而生必有賢智之佐者蓋進之以道師之以禮故也古之帝王之所以能輔世長民者莫不遠得百姓之權心近盡羣臣之智力誠使今朝任職之臣皆天下之選而不能盡其力不可謂能使人若非天下之選亦不可謂能官入陛下憂勞萬機或親燈火而庶事不康刑禁日弛豈非股肱不稱之明效歟原其所由非獨臣有不盡忠亦主有不能使百里奚愚於虞而智於秦豫讓苟容中行而著節智伯斯則古人之明





才朝廷乏賢佐豈可追前世之稷契坐待後來之俊又可能治乎今之所謂賢者盡

有大官而享厚祿矣然而奉上之節未立向公之心不一者委任之責不專而俗多忌諱故也臣以爲忠臣不必親親臣不必忠何者以其居無嫌之地而事得自盡也今有疏者毀人不實其所毀而必曰私報所憎譽人不實其所譽而必曰私愛所親左右或因之以進憎愛之說非獨毀譽有之損益亦皆有嫌陛下當思所以開廣朝臣之心篤厲有道之節使之自同古人望與竹帛耳反使如廉昭者擾亂其間臣懼

大臣遂將容身係位坐觀得失爲來世戒也昔周公  
戒魯侯曰無使大臣怨何不以不言聲恩明皆當世  
用也堯數舜之功稱去四凶不言大小有罪則去也  
今者朝臣不自以爲不能以陛下爲不任也不自以  
爲不智以陛下爲不問也陛下何不遵周公之所以  
用大舜之所以去使侍中尙書坐則侍幄帷行則從  
華輦親對詔問所陳必達則羣臣之行能否皆可得  
而知忠能者進闇劣者退誰敢依違而不自盡以陛  
下之聖明親與羣臣論議政事使羣臣人得自進人

自以爲親人思所以報賢愚能否在陛下之所用以  
此治事何事不辦以此建功何功不成每有軍事詔  
書常曰誰當憂此者邪吾當自憂耳近詔又曰憂公  
忘私者必不然但先公後私卽自辨也伏讀明詔乃  
知聖恩究盡下情然亦怪陛下不知其本而憂其末  
也人之能否實有本性雖臣亦以爲朝臣不盡稱職  
也明主之用人也使能者不敢遺其力而不能者不  
得處非其任選舉非其人未必爲有罪也與朝共容  
非其人乃爲怪耳陛下知其不盡力也而代之憂其

職知其不能也而教之治其事豈徒主勞而臣逸哉  
雖聖賢並世終不能以此爲治也陛下又忠臺閣禁  
令之不密人事請屈之不絕聽伊尹作迎客出入之  
制選司徒更惡吏以守寺門威禁由之實未得爲禁  
之本也昔漢安帝時少府賈嘉辟廷尉郭躬無罪之  
兄子猶見舉奏章劾紛紛近司隸校尉孔羨辟大將  
軍狂悖之弟而有司嘿爾望風希指甚於受屬選舉  
不以實人事之大者也嘉有親戚之寵躬非社稷重  
臣猶尙如此以今況古陛下自不督必行之罰以絕

阿黨之原耳伊尹之制與惡吏守門非治世之具也使臣之言少蒙察納何患於姦不削滅而養若昭等乎夫糾擿姦宄忠事也然而世憎小人行之者以其不顧道理而苟求容進也若陛下不復考其終始必以違衆近世爲奉公密行白人爲盡節焉有通人大才而更不能爲此邪誠願道理而弗爲耳使天下皆背道而趨利則人主之所最病者陛下將何樂焉胡不絕其萌乎夫先意承旨以求容美率皆天下淺游無行義者其意務在於適人主之心而已非欲治天

下安百姓也陛下何不試變業而示之彼豈執其所  
守以違聖意哉夫人臣得人主之心安業也處尊顯  
之官榮事也食千鍾之祿厚實也人臣雖愚未有不  
樂此而喜于迂者也迫於道自彊耳誠以爲陛下當  
憐而佑之少委任焉如何反錄昭等傾側之意而忽  
若人者乎今者外有伺隙之寇內有貧曠之民陛下  
當大計天下之損益政事之得失誠不可以怠也

疏

本傳載全疏意林於篤論  
載五句卽疏中語也據疏

上疏曰帝王之道莫尚乎安民安民之術在於豐財

豐財者務本而節用也方今二賊未滅戎車亟駕此  
自熊虎之士展力之秋也然搢紳之儒橫加榮慕搯  
腕抗論以孫吳爲首州郡牧守咸共忽恤民之術修  
將率之事農桑之民競干戈之業不可謂務本帑藏  
虛而制度歲廣民力歲衰而賦役歲興不可謂節  
用今大魏奄有十州之地而承喪亂之弊計其戶口  
不如往昔一州之民然而二方僭逆北虜未賓三邊  
遘難繞天略市所以統一州之民經營九州之地其  
爲艱難譬策羸馬以取道里豈可不加意愛惜其力

哉以武皇帝之節儉府藏充實猶不能十州擁兵郡  
且二十也今荆揚青徐幽并雍涼緣邊諸州皆有兵  
矣其所恃內充府庫外制四夷者推充豫司冀而已  
臣前以州郡典兵則專心軍功不勤民事宜別置將  
守以盡治理之務而陛下復以冀州寵秩呂昭冀州  
戶口最多田多墾闢又有桑棗之饒國家徵求之府  
誠不當復任以兵事也若以北方當須鎮守自可專  
置大將以鎮安之計所置吏士之費與兼官無覺然  
昭於人才尙復易中朝苟乏人兼才者勢不獨多以



此推之知國家以人擇官不爲官擇人也官得其人則政平訟理政平故民富實訟理故囹圄空虛陛下踐阼天下斷獄百數十人歲歲增多至五百餘人矣民不益多法不益峻以此推之非政教陵遲牧守不稱之明效歟往年牛死通率天下十能損二麥不半收秋種未下若二賊游魂於疆場飛芻挽粟千里不及究此之術豈在彊兵乎武主勁卒愈多愈病耳夫天下猶人之體腹心充實四支雖病終無大患今堯豫司冀亦天下之腹心也是以愚臣樓樓實願

四州之牧守獨修務本之業以堪四支之重然孤論  
難持犯欲難成衆怨難積疑似難分故累載不爲明  
主所察凡言此者類皆疏賤疏賤之言實未易聽若  
使善策必出於親貴固不犯困難以求忠愛此古今  
之所常患也

魏志本傳案本傳又云恕奏議論發  
皆可觀振其切世大事著千篇以意林  
載篤論語出前疏中則此疏  
及考謀疏皆取篤論據補

與宋瑾書曰況示委曲夫法天下事以善意相待無  
不致快也以不善意相待無不致嫌隙也而議者言  
凡人天性皆不善不當待以善意更墮其調中僕得

篤論

九 鄭毅館補校

此輩便欲歸蹈滄海乘桴耳不能自諧在其間也然

以年五十二不見廢棄

御覽引作吾年五十不見廢棄者

頗亦遭明

達君子亮其本心

御覽脫頗亦二字

若不見亮使人刳心著

地

御覽引作便刳心著地

正與數斤肉相似何足有所明

御覽引作

正數斤肉耳何足有所明也

故終不自解說程征北功名宿著在

僕前甚多有人出征北乎若令下官事無大小咨而

後行則非上司彈繩之意若咨而不從則又非上下

相順之宜故一心任一意直而行之耳殺胡之事天

下謂之是邪是僕諧也呼爲非邪僕自受之無所怨

咨程征北明之亦善不明之亦善諸君子自其爲其

心耳不在僕言也

太平御覽卷三百七十六引鶴論  
杜恕與宋瑾書曰吾年五十至何

足有所明也全簡文見魏志本  
傳裴松之注引杜氏新書據補

聖人之制刑也非以害民也將以利民也故民從而

安之非以陷民也將以導民也故民從而化之斷一

人之獄而天下義之是安之也斷一人之獄而天下

服之是化之也當於民心合於道理所斷於民者不

行於身公之也

太平御覽卷  
六百三十六

日給之華與標相似也標結實而日給零落虛僞之

七十二卷七十三

吉與真實相似也虛偽敗而真實成

太平御覽卷九百七十一陸佃

埤雅卷十七引作日給之華似柰柰實而日給虛虛偽之真實相似也

夫萍之浮與菱之浮相似也菱植根萍隨波是以堯

舜歎巧言之亂德仲尼惡紫之奪朱

歐陽詢藝文類聚卷八十二

太平御覽

卷一十

附錄

杜氏始出帝堯在周爲唐杜氏漢有杜周杜欽杜篤  
畿字伯侯魏書有傳畿長子理字務仲少而機察故  
名曰理少子恕字務伯林意

恕在河東坐卧恒避父住處恕子預字元凱晉書有  
傳同上

案此二節意林載入篤論與正文相次觀其敘恕  
世系及其子預明爲後人所附益至言魏書有傳  
晉書有傳則又爲晉以後人疑七志七錄敘述作

書者之事蹟附在書後故馬氏載入本書也今仍  
輯取改爲附錄庶不淆焉

玉函山房輯佚書目

卷七十四

子編雜家類

鄒子一卷

晉鄒氏

諸葛子一卷

吳諸葛恪

默記一卷

吳張儼

裴氏新言一卷

吳裴元

新義一卷

吳劉廙

秦子一卷

吳秦菁

析言論一卷

晉張顯

古今訓附



時務論一卷

晉楊偉

廣志二卷

晉郭義恭

鄒子一卷撰人缺隋唐志皆不著目馬總意林有鄒  
子一卷在化清經十卷成敗志三卷之間化清經蔡  
洪撰成敗志孫毓撰皆晉人鄒子當亦晉人所撰攷  
晉書文苑傳鄒湛字淵甫南陽新野人太康中爲散  
騎常侍國子祭酒轉少府元康末卒所著詩及論事  
議二十五首爲時所重此湛有著作之證以時考之  
又與蔡洪孫毓皆在西晉之初故書中叙邢高呂安  
欽市仰天泣目視其事而論之也其書佚意林引二  
節御覽引四節合錄爲帙引者不著其名故止題晉

鄒子



鄒氏而已歷城馬國翰竹吾甫

一 鄒環館補校

七十四卷二

鄒子

晉 鄒氏 撰

欲知其人視其朋友  
蕪黎在田良苗無所措其根佞

邪在朝忠直無所容其身

馬總意  
林卷五

寡門不入宿臨甌不取塵避嫌也

同上

昔邢高呂安飲於市仰天泣二子非有喪之哀傷知  
己之晚耳君子所以勤於接賢汲汲於結善欲以立

名者也

太平御覽  
卷四百六

博學者所以求爲君子也求而不得鮮矣未有不求

鳴

一 鄒氏補校

而得之者也夫觀書者憚猶登東岳而知荆陵之巖  
扁也浮滄海而知江河之不廣也見日月而知衆星  
之照微也仰聖人而知衆說之少觀也

太平御覽卷六百十三

珠生於南海玉出於須彌無足而至者人好之也士  
有足而不至者以人不歸也

太平御覽卷八百五又卷八百三引上三句而

至下無者字

董仲舒三年不闕園圃嘗乘馬不覺牝牡朱買臣貧  
賤之時孳孳修藝不知雨之流粟志在經傳也

太平御覽

卷八百四十一又卷八百九十一引董仲舒三句曰  
上有國字據補又卷六百十一引朱買臣故改自

學不知雨  
之流乘

諸葛子一卷吳諸葛恪撰恪字元遜琅邪陽都人瑾  
長子官至太子太傅吳志有傳隋書經籍志雜家蔣  
子萬機論下云梁有諸葛子五卷諸葛恪撰亡唐志  
不著錄佚已久北堂書鈔太平御覽引三節攷恪傳  
載其與陸遜及弟公安督融三書又諸大臣諫伐魏  
著論諭衆意一篇恪無文集當皆採自本書申夫恪  
抱才氣而以驕矜致敗陳壽評云若躬行所與陸遜  
及衆融之書則悔吝不至何尤禍之有哉蓋惜其人  
未嘗不取其言也論旨以及時爲主語意多從叔父

諸葛子

序

一 如姬館補校

亮出師表化出雖欲必爲之辭而持議近正衆人莫敢復難也宜哉歷城馬國翰竹吾甫



諸葛子

吳 諸葛恪 撰

吳丞相陸遜書

楊敬叔傳述清論以爲方今人物彫盡守德業者不能復幾宜相左右更相勸車上熙國事不相珍惜又疾世俗好相謗毀使已成之器中有損累將進之徒意不歡笑聞此喟然誠獨擊節愚以爲君子不求備於一人自孔氏門徒大數三千其見異者七十二人至于子張子路子貢等七十之徒亞聖之德然猶各

諸葛子

有所短師僻由陽賜不受命豈況下此而無所闕且  
仲尼不以數子之不備而引以爲友不以人所短棄  
其所長也加以當今取士宜寬於往古何者時務從  
橫而善人單少國家職司常苦不充苟命性不邪惡  
志在陳力便可獎就聘其所任若於小小宜適私行  
不足皆宜濶畧不足纒續且士誠不可纖論苛克苛  
克則彼聖賢猶將不全況其出入者邪故曰以道望  
人則難以人望人則易賢愚可知自漢末以來中國  
士大夫如許子將輩所以更相誇誦或至於禍及其

本起非爲大驚恠坐克己不能盡如禮而責人專以  
正義夫己不如禮則人不服責人以正義則人不堪  
內不服其行外不堪其責則不得不相怨相怨一生  
則小人得容其間得容其間則三至之言浸潤之譖  
紛錯交至雖使至明至親者處之猶難以自定況已  
爲隙且未能明者乎是故張陳至於血刃蕭朱不終  
其好本由於此而已夫不舍小過纖微相責久乃至  
於家戶爲怨一國無復全行之士也

吳志恪  
本傳

與弟公安督融書

今月十六日乙未大行皇帝安棄萬國羣下大小莫不傷悼至吾父子兄弟並受殊恩非徒凡庸之隸是以悲慟肝心圯裂皇太子以丁酉踐尊號哀喜交并不知所措吾身受顧命輔相幼主竊自揆度才非博陸而受姬公負圖之託懼忝丞相輔漢之效恐損先帝委付之明是以憂慙惶惶所慮萬端且民惡其上動見瞻觀何時易哉今以頑鈍之姿處保輔之位猥多智寡任重謀淺誰爲唇齒近漢之世燕蓋交造有上官之變以身值此何敢怡豫邪又弟所在與賊大

牙相錯當於今時整頓軍具率厲將士奮備過常念  
出萬死無顧一生以報朝廷無忝爾先又諸將備守  
各有境界猶恐賊虜聞諱恣睢寇竊邊邑諸曹已別  
下約勅所部督將不得妄委所戍徑來奔赴雖懷愴  
但不忍之心公義奪私伯禽服戎若苟違戾非徒小  
故以親正疏古人明戒也

同上

### 論衆意論

夫天無二日土無二王王天不務兼并天下而欲垂  
祚後世古今未之有也昔戰國之時諸侯自恃兵彊

諸葛子

三編解補校

七十四卷八

地廣且有救援謂此足以傳世人莫能危恣情從懷  
憚於勞苦使秦得自大遂以并之此既然矣近者劉  
景升在荊州有衆十萬財穀如山不及曹操尙微與  
之力競坐觀其疆大吞滅諸袁北方都定之後操率  
三十萬衆來向荊州當時雖有智者不能復爲畫計  
於是景升兒子交臂請降遂爲囚虜凡敵國欲相吞  
卽仇讐欲相除也有讐而長之禍不在己則在後人  
不可不爲遠慮也昔伍子胥曰越十年生聚十年教  
訓二十年之外吳其爲沼乎夫差自恃疆大闢此遂

然是以誅子胥而無備越之心至於臨敗悔之豈有  
及乎越小於吳尙爲吳禍況其疆太者邪昔秦但得  
關西耳尙以并吞六國今賊皆得秦趙韓魏燕齊九  
州之地地悉戎馬之鄉士林之藪今以魏比古之秦  
土地數倍以吳與蜀比古六國不能半之然今所以  
能敵之但以操時兵衆於今適盡而後生者未悉長  
大正是賦衰少未盛之時加司馬懿先誅王凌續自  
頃斃其子幼弱而專彼大任雖有智計之士未得施  
用當今伐之是其厄會聖人急於趨時誠謂今日若

順衆人之情懷偷安之計以爲長江之險可以博世  
不論魏之終始而以今日遂輕其後此吾所以長歎  
息者也自本以來務在產育今日賊民歲月繁滋但  
以尙小未可得用耳若復十數年後其衆必倍於今  
而國家勁兵之地者已空盡唯有此見衆可以定事  
若不早用之端坐使老復十數年累當損半而見子  
弟數不足言若賊衆一倍而我兵損半雖復使伊管  
圖之未可如何今不遠慮者必以此言爲迂夫禍  
難未至而豫憂慮此固衆人之所迂也及於難至然



後顧頽雖有智者又不能圖此乃古今所病非獨一時昔吳始以伍員爲迂故難至而不可救劉景升不能慮十年之後故無以詒其子孫今恪無具臣之才而受大吳蕭霍之任智與衆同愚不經遠若不及今日爲國斥境俛仰年老而警敵更彊欲芻豢謝賈寧有補邪今聞衆人或以百姓尙貧欲務閑息此不知慮其大危而愛其小勤者也昔漢祖幸已有三秦之地何不閉關守險以日娛樂空出攻楚身破剝煖介冒生蟻蝨將士厭困苦豈甘鉅刃而忘安寧哉慮於

長久不得兩存者耳每覽荆邯說公孫述以進取之  
圖近見家叔父表陳與賊爭競之計未嘗不喟然歎  
息也夙夜反側所慮如此故聊疏愚言以達二三君  
子之末若一朝隕歿志豈不立貴令來世知我所憂  
可思於後

同上

雜篇佚句

魏基五鶴

虞世南北室  
卷十一

鼓洪爐以燎毛髮傾五岳以壓枯朽

北堂書鈔卷  
一百十七

若能方兼三大身與馬如膠漆子與箭如飛車誠宜

總異

太平御覽卷三百五十

吳淑事類賦箭賦注